



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2439, datë 27.03.2014

Për

“Përcaktimin e sipërmarrjesit Vodafone Albania sh.a me Fuqi te Ndjeshme në Treg dhe vendosjen e masave rregulluese në: Tregun me shumicë të terminimit të SMS-ve në rrjetin publik te telefonise të lëvizshme Vodafone Albania”

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Alketa	Mukavelati	Anëtar
4. Z. Benon	Paloka	Anëtar
5. Znj. Zamira	Nurçe	Anëtar

dhe sekretare Znj. Iris Xhanaj, në mbledhjen e datës 27.03.2014, sipas procedurës së përcaktuar në ligjin nr. 9918, datë 19.05.2008 “Për Komunikimet Elektronike në Republikën e Shqipërisë”, i ndryshuar, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike”, shqyrtoi çështjen me objekt:

“Vleresimin e pozites dominante ne tregjet perkatese te sipermarrjesit Vodafone Albania, mbi bazen e Dokumentit “Analizë e tregut të shumicës të terminimit të SMS-ve në rrjetet e telefonisë së lëvizshme – Dokumenti Perfundimtar ” si dhe vendosjen e masave rregulluese”.

mori ne shqyrtim dokumentacionin e paraqitur nga Grupi i Punes, te perbere nga:

- i. Relacioni shpjegues;
- ii. Dokumentit: *“Analizë e tregut të shumicës të terminimit të SMS-ve në rrjetet e telefonisë së lëvizshme – Dokumenti Perfundimtar ”*
- iii. Projektvendimi i KD i formatuar dhe arsyetuar sipas përcaktimeve të parashikuara në nenin 106 e në vijim të ligjit nr. 8485.

BAZA LIGJORE:

1. Shkronja ç) e nenit 8, neni 31 e vijues, pika 1 e nenit 114 dhe pika 1 e nenit 115 te ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë” i ndryshuar (*ligji nr. 9918*);
2. Ligji nr. 8485, datë 12.05.1999 “Kodi i Procedurave Administrative” (*ligji nr. 8485*), i ndryshuar;
3. Ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike;
4. “Rregullore per analizen e tregut”, miratuar me vendimin nr. 747, date 17.07.2009, ndryshuar me vendimin nr. 2342, date 31.07.2013, te Keshillit Drejtues te AKEP (*Rregullorja*);
5. Vendim Nr.2374, datë 30.10. 2013, Për “Miratimin për këshillim publik të Dokumentit “Analizë e tregut të shumicës të terminimit të SMS-ve në rrjetet e telefonisë së levizshme – Dokumenti Keshillim Publik”;
6. Vendim Nr. 2437, date 27.03.2014, Për “Miratimin e Dokumentit: “Analizë e tregut të shumicës të terminimit të SMS-ve në rrjetet e telefonisë së levizshme - Dokumenti Perfundimtar”;

KESHILLI DREJTUES

Nga shqyrtimi i dokumentacionit të paraqitur si dhe duke iu referuar bazës ligjore të sipërcituar :

V Ë R E N:

1. Dokumenti “Analize e Tregut, Tregjet me shumicë të terminimit të SMS-ve në rrjetet publike telefonike të levizshme , Dokumenti Perfundimtar”, reflekton punën e grupit të punës si dhe komentet dhe vërejtjet e bera gjatë mbledhjes.
2. Dokumenti “Analize e Tregut, Tregjet me shumicë të terminimit të SMS-ve në rrjetet publike telefonike të levizshme , Dokumenti Perfundimtar”
 - a. përben një dokument të rëndësishëm rregullator në bazë të të cilit merren vendimet për FNT në tregjet e analizuar dhe masat rregulluese respektive, të cilat janë shumë të rëndësishme për zhvillimet rregullatore dhe tregun e komunikimeve elektronike në Shqipëri;
 - b. është përparuar pas kryerjes së këshillimit publik dhe përmban komentet e palëve të interesuara dhe qëndrimin e AKEP për komentet në përputhje me nenin 35 të Ligjit 9918 i ndryshuar;
 - c. nga pikpamja e ligjshmërisë është në konformitet me përcaktimet ligjore të parashikuara për analizen e tregut në nenin 31 e në vijim të Kreut VI të Ligjit 9918 i ndryshuar, dhe Rregullores, përfshirë perkufizimin e detajuar të tregjeve perkates dhe analizen e testit të tre kritereve, kriteret e përcaktimit FNT, dhe detyrimet e parashikuara për FNT;

- d. ka marre ne konsideratë rekomandimet dhe direktivat e Komisionit European dhe praktikat me te mira rregullatore ne vendet e Bashkimit European, parimet e ligjit te konkurrences dhe kushtet aktuale te tregut ne Shqiperi;
- f. vendosja, ndryshimi, mbajtja dhe heqja e detyrimeve per FNT është në përputhje, me përcaktimet e nenit 36 e ne vijim te Kreut VI te Ligjit 9918, me pikën 5 te nenit 3 te Rregullores dhe me objektivat rregullatore te AKEP, te përcaktuara ne nenin 7 te ligjit 9918 i ndyshuar;

P Ë R K Ë T O A R S Y E:

Bazuar ne vleresimin e pozites në tregjet përkatëse te sipërmarresit Vodafone Albania sh.a, sipas dokumentit “Analize e Tregut, Tregjet me shumicë të terminimit të SMS-ve në rrjetet publike telefonike të lëvizshme , Dokumenti Përfundimtar”, ne mbeshtetje te pikes 1 te nenit 114, pikes 1 te nenit 115 te ligjit nr. 9918 i ndryshuar, si dhe ne zbatim te kompetences ligjore te percaktuar ne shkronjen ç) te nenit 8 te ligjit nr. 9918 i ndryshuar, Keshilli Drejtues i AKEP,

V E N D O S :

1. Bazuar në dokumentin “Analizë e tregut me shumicë të terminimit te mesazheve SMS në rrjetet e telefonisë së lëvizshme - Dokumenti Përfundimtar”; miratuar me VKD Nr.2437 datë 27.03.2014, të përcaktojë sipërmarrësin Vodafone Albania Sh.a., sipërmarrës me FNT në Tregun me shumicë të terminimit te mesazheve SMS në rrjetin publik telefonik të lëvizshëm Vodafone Albania sh.a.

Dimensioni gjeografik i tregut perkatës me FNT është kombëtar apo territori i Republikës së Shqipërisë;

2. Sipërmarresi Vodafone Albania sh.a, i përcaktuar sipërmarrës me FNT, është i detyruar të zbatojë të gjitha detyrimet përkatëse ne kete treg, si më poshtë, por pa u kufizuar:
 1. Detyrimi i Mosdiskriminimit
 2. Detyrimi i transparencies
 3. Detyrimi për akses dhe interkoneksion dhe përdorimi i përbashkët i faciliteteve të rrjetit
 4. Detyrimi për kontroll të tarifave dhe orientim në kosto

3. Detyrimet e mësipërme në pikën 2 përfshijnë midis të tjerave:

3.1. Detyrimi i Mosdiskriminimit (neni 39)

Sipërmarrësi Vodafone Albania sh.a, për terminimin e SMS-ve në rrjetin e vet të zbatojë kushte të njëjta, në rrethana të njëjta ndaj sipërmarrësve të tjerë, që ofrojnë shërbime ekuivalente, si dhe t’u ofrojë sipërmarrësve të tjerë shërbime dhe informacion në kushte të njëjta dhe me cilësi të njëjtë, sikunder ai i ofron për shërbimet e veta, për filialet ose partnerët e tij;

3.2. Detyrimi i transparencies:

Sipërmarrësi Vodafone Albania sh.a, duhet:

- të publikojë tarifat, përfshirë zbritjet e mundshme për terminimin e SMS-ve në rrjetin e vet ;
- të depozitohet në AKEP marreveshjet e interkoneksionit për SMS-të.

3.3. Detyrimi për akses dhe interkoneksion dhe përdorimi i përbashkët i faciliteteve të rrjetit për terminimin e SMS-ve:

- a) t'u ofrojë palëve të treta akses në elemente të veçanta të rrjetit dhe/ose faciliteteve;
- c) të mos anulohet aksesin në facilitetet, kur e ka dhënë atë;
- ç) të negociojë me dëshirën e mirë dhe me mirëbesim me subjektet, që kërkojnë akses;
- dh) të ofrojë bashkëvendosje ose forma të tjera të përdorimit të përbashkët, përfshirë ndërtesat, tubacionet kabllore ose shtyllat, kullat;
- ë) të ofrojë akses në sistemet mbështetëse funksionale ose sistemet e ngjashme informatike (*software*), të nevojshme, për të siguruar konkurrencë të ndershme në ofrimin e shërbimeve;
- f) të interkonektojë rrjetet ose facilitetet e rrjetit.
- g) të ofrojë akses në shërbimet shoqëruese

3.4. Detyrimi për kontroll të tarifave dhe orientimin në kosto:

1. Tarifa terminimit të SMS-ve në rrjetin Vodafone Albania sh.a është objekt kontrolli dhe rregullimi nga AKEP.
2. Niveli i tarifës së terminimit të SMS-ve duhet të jetë i orientuar në kostot BULRAIC, duke bërë reduktim gradual të kësaj tarife.
3. Në përputhje me nenin 57, pika 1/a dhe neni 59 pika 2, niveli maksimal i tarifës së terminimit të SMS-ve në rrjetin Vodafone Albania sh.a të jetë sipas vlerave dhe afateve në tabelën e mëposhtme:

Periudha kohore	Aktuale - 31 Mars 2014	1 Prill 2014- ne nje vendim tjetër te AKEP
Tarifa e terminimit te SMS	1.44	1.00

Tarifat në Lek/SMS pa TVSH

4. Afati i vlefshmërisë së statusit me FNT në tregun përkates për sipërmarresin Vodafone Albania sh.a, është deri në nxjerrjen e një vendimi tjetër nga AKEP mbi bazën e analizës së tregut të kryer sipas nenit 34 të Ligjit 9918 i ndryshuar.
5. Dokumenti “Analizë e Tregut, Tregjet me shumicë të terminimit të SMS-ve në rrjetet publike telefonike të lëvizshme, Dokumenti Perfundimtar”, i bashkëngjitet këtij vendimi si Aneksi 1 dhe është pjesë e tij.
6. Vendimi Nr.1713, datë 31.10. 2011, shfuqizohet.

7. Kundra ketij vendimi, mund te behet ankim ne Keshillin Drejtues te AKEP, brenda 30 (tridhjetë) diteve pas marrjes se njoftimit perkates.
8. Ky vendim të publikohet në faqen e Internetit të AKEP www.akep.al

Ky vendim hyn në fuqi menjeherë.

K R Y E T A R I
Piro XHIXHO

ANËTARË:

1. Alban KARAPICI
2. Alketa MUKAVELATI
3. Benon PALOKA
4. Zamira NURÇE

”

Ankes 1



AUTORITETI I KOMUNIKIMEVE ELEKTRONIKE DHE POSTARE

ANALIZË

E

TREGUT

Tregjet me shumicë të terminimit të SMS-ve në rrjetet publike telefonike të lëvizshme

Dokument Perfundimtar

Mars 2014

(MIRATUAR ME VKD NR.2437 DATE 27.03.2014)

PUBLIKUAR NE www.akep.al ne seksionin Konsultime te Perfunduara

”